



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

2. Quomodò mammon siue voluptas sit idolum s[a]ecularium, indoctorum,
vulgi.

urn:nbn:de:hbz:466:1-29452

Isaac & Iacob: Sic nos introducimur in regnum celeste, non propter nostram iustitiam, sed quoniam pater hoc promisit daturum propter filium suum credituribus, Ioan 3 vt omnis qui credit in illum, non pereat, sed habeat vitam æternam, Act. 15. & 10. Igitur de propria iustitia & merito hic desperare oportet, & ad nudam Dei misericordiam propter Christum promissam respicere in re salutis. Sunt etiam sua præmia iustificatis hic & in futuro ex gratia propter Christum, 1. Cor. 3 Vnusquisq; mercedem accipiet &c. & iterum 1. Cor. 15 sicut stella à stella differt &c. Sed meritum Christi solum nobis offert remissionem & salutem.

2.
1. Tim. 6.

Idolum mundi est Mammon & voluptas, illi seruit vulgus die ac nocte cum varijs laqueis, sicut Apostolus inquit: Qui volunt diuites fieri, incidunt in tentationem & laqueum Diaboli, & desideria multa & inutilia & nociua, quæ mergunt homines ad interitum & perditionem. Radix enim omnium malorum est auaritia. Hunc Deum, scilicet vsuram, colunt omnes mercatores, adeoq; totus mundus. Pecuniæ, inquit sapiens, obediunt omnia, & omnes colunt Deum diuitiarum Mammon, contra Christi præceptum, Mat. 6. Non potestis Deo seruire & Mammoni. Hic Deus mundi Mammon replet totam terram varijs peccatis, sicut Ioannes ait 1. Ioan 5. Mundus totus positus est in maligno, & hunc cultum auaritiæ seu diuitiarum nominat Apostolus Ephes. 5. idolorum seruitutem. Nã vbi cor, ibi & seruitus Mat. 6. Vbi thesaurus tuus, ibi & cor tuum. nemo fidit Deo, vt ille eum enutriet, sed omnes alienum Deum querunt, id est, pecuniam. Hoc idolum isto medio expugnatur, quod Christus præscribit Mat. 6. Ne solliciti simus: est enim plus vita, quàm cibus, corpus quàm vestimentum. Si enim DEVS dedit quod maius est, & quod minus est, dabit. Deindè, si Deus noster verus nihil dabit, nihil labor tuus proderit tibi, sicut ne poteris adijcere longitudi-

gitudini tuę cubitum vnum. Postremò, quærite primum regnum Dei, id est, hæc per quę Christus regnat in cordibus vestris, hoc est, fidem, dilectionem, timorem Dei: his Deum colite & honorate, hæc primum cupit Deus & exigit: & cætera, id est, corporalia adijciuntur vobis: ne igitur sitis gentes, sed fideles.

Exigit primum Dei præceptum, vt Deo soli totum cor tuum præbeas, vt illud solus inhabitet, ne ibi alius Deus locū habeat vel idolum aureum vel lignum, aut propria iustitia, aut Mammon, aut voluptas: Ego, inquit, sum Deus tuus, & non est alius præter me. Ideò Exod. 20. addidit: Zelctes fortis, id est, Ego curo te & non patiar alteri tribui meam gloriam, nō patiar alios Deos confingi aut coli: alioqui puniam in tertiam & quartam generationē. Tale igitur cor, quod solum Dei esset habitaculum, quod esset purū, & nulli alij rei confideret, propheta Dauid sibi dari petijt. Psal. 50. Cor mundum circa in me Deus. Et sapiens Eccl. 2. Vę duplici corde &c. Vt igitur omne idolum sit alienum à corde, rogandus est, & nobis cauendum, ne vlli confidamus creaturę, nec habeamus fiduciam in propria nostra iustitia, sed petamus misericordiam, & illā nobis exhibebit, id est, certò credamus propter Christum per misericordiam Dei. Omnē enim fiduciam nostram, eamque solam, in seipsum Deus exigit in hoc præcepto, & nulli alij creaturę vult tribuere hanc fiducię gloriam.

CAPVT III.

ARGVMENTA.

1. *Quæ sit pura Dei adoratio.*
2. *Quomodo Deus nō vult adorari in creatura.*
3. *Quomodo Deus vult laudari in creaturis & Sanctis suis.*